



UNDANG-UNDANG MALAYSIA

CETAKAN SEMULA

Akta 402

AKTA PASARAN GETAH MALAYSIA (PEMERBADANAN) 1962

Mengandungi segala pindaan hingga 1 Januari 2006

Teks ini HANYALAH TERJEMAHAN oleh Jabatan Peguam Negara bagi Malaysian Rubber Exchange (Incorporation) Act 1962 [Act 402]. Melainkan jika dan sehingga ditetapkan sah di bawah subseksyen 7(1) Akta Bahasa Kebangsaan 1963/67 [Akta 32], teks ini bukan perundangan.

**AKTA PASARAN GETAH MALAYSIA
(PEMERBADANAN) 1962**

Pertama kali diperbuat	1962 (Akta No. 11 tahun 1962)
Disemak	1989 (Akta 402 m.b.p. 14 Disember 1989)

UNDANG-UNDANG MALAYSIA

Akta 402

AKTA PASARAN GETAH MALAYSIA (PEMERBADANAN) 1962

SUSUNAN SEKSYEN

Seksyen

1. Tajuk ringkas dan pemakaian

BAHAGIAN I PERMULAAN

2. Tafsiran

BAHAGIAN II PEMERBADANAN PASARAN GETAH MALAYSIA

3. Pemerbadanan Pasaran Getah Malaysia
4. Pejabat
5. Pendapatan Perbadanan

BAHAGIAN III TUJUAN PERBADANAN

6. Tujuan

BAHAGIAN IV KEANGGOTAAN PERBADANAN

7. Keanggotaan

Seksyen

8. *(Dipotong)*
9. Daftar Anggota

BAHAGIAN V

PENGURUSAN PERBADANAN

10. *(Dipotong)*
11. *(Dipotong)*
12. Pengurusan dan pentadbiran Perbadanan
13. *(Dipotong)*

BAHAGIAN VI

PELBAGAI

14. Kuasa untuk membuat Kaedah-kaedah
15. *(Dipotong)*
16. Pengubahan Kaedah-kaedah
17. Anggota terikat dengan Kaedah-kaedah, *dsb.*
18. Perlindungan kontrak
19. Kecualian

JADUAL PERTAMA

JADUAL KEDUA—*(Dipotong)*

UNDANG-UNDANG MALAYSIA

Akta 402

AKTA PASARAN GETAH MALAYSIA (PEMERBADANAN) 1962

Suatu Akta untuk mengadakan peruntukan bagi penubuhan suatu Perbadanan yang dikenali sebagai Pasaran Getah Malaysia bagi mewujudkan pasaran getah di Malaysia dan penggalakkan dan pengawalseliaan perdagangan dan industri getah dan bagi perkara yang bersampingan dengannya.

*[Semenanjung Malaysia—24 Februari 1962;
Sabah dan Sarawak—1 Januari 1974]*

MAKA INILAH DIPERBUAT UNDANG-UNDANG oleh Seri Paduka Baginda Yang di-Pertuan Agong dengan nasihat dan persetujuan Dewan Negara dan Dewan Rakyat yang bersidang dalam Parlimen, dan dengan kuasa daripadanya, seperti yang berikut:

Tajuk ringkas dan pemakaian

1. (1) Akta ini bolehlah dinamakan Akta Pasaran Getah Malaysia (Pemerbadanan) 1962.

(2) Akta ini hendaklah terpakai di seluruh Malaysia.

BAHAGIAN I

PERMULAAN

Tafsiran

2. (1) Dalam Akta ini, melainkan jika konteksnya menghendaki makna yang lain—

“Lembaga” ertinya Lembaga Getah Malaysia yang ditubuhkan di bawah Akta Lembaga Getah Malaysia (Perbadanan) 1996 [*Akta 551*];

“undang-undang kecil” ertinya mana-mana undang-undang kecil yang dibuat oleh Lembaga menurut kuasa yang diberikan kepadanya oleh Perbadanan;

“Pengerusi” ertinya Pengerusi Perbadanan yang dilantik di bawah subseksyen 12(3);

“Perbadanan” ertinya Pasaran Getah Malaysia yang ditubuhkan di bawah seksyen 3;

“Timbalan Pengerusi” ertinya Timbalan Pengerusi Perbadanan yang dilantik di bawah subseksyen 12(4);

“Jawatankuasa Pengurusan” ertinya Jawatankuasa Pengurusan yang ditubuhkan di bawah seksyen 17 Akta Lembaga Getah Malaysia (Perbadanan) 1996;

“Anggota” ertinya seseorang yang namanya terdapat dalam daftar;

“Menteri” ertinya Menteri yang bertanggungjawab bagi industri getah;

“orang” ertinya seseorang individu dan mana-mana syarikat atau perbadanan tetapi tidak termasuk suatu firma perkongsian atau badan yang tidak diperbadankan lain atau persatuan;

“daftar” ertinya daftar anggota menurut seksyen 9;

“kaedah-kaedah” ertinya kaedah-kaedah yang dibuat di bawah seksyen 14;

“Setiausaha” ertinya setiausaha Perbadanan yang dilantik di bawah Akta ini.

(2) Akta ini hendaklah dibaca dan ditafsirkan bersekali dengan Akta Lembaga Getah Malaysia (Perbadanan) 1996.

(3) Sekiranya terdapat apa-apa ketidakselarasan berlaku antara peruntukan Akta Lembaga Getah Malaysia (Perbadanan) 1996 dengan peruntukan Akta ini, peruntukan Akta itu hendaklah mengatasi.

BAHAGIAN II

PEMERBADANAN PASARAN GETAH MALAYSIA

Pemerbadanan Pasaran Getah Malaysia

3. (1) Orang yang namanya terdapat dalam Jadual Pertama dan semua orang sedemikian yang kemudian daripada ini menjadi anggota Perbadanan hendaklah menjadi suatu pertubuhan perbadanan dengan nama Pasaran Getah Malaysia dan dengan nama itu hendaklah kekal turun-temurun.

(2) Perbadanan hendaklah mempunyai suatu meterai perbadanan dan meterai itu boleh dari semasa ke semasa dipecahkan, ditukar, diubah dan dibuat baharu sebagaimana yang difikirkan patut oleh Perbadanan.

(3) Perbadanan boleh membuat kontrak, boleh membawa guaman dan dibawa guaman terhadapnya atas nama perbadanannya dan boleh memperoleh, membeli, memajak, mengambil, memegang dan menikmati tiap-tiap perihalan harta alih dan tak alih, dan boleh menjual, menukar, memindahhakkan, menyerahkan, menyerahkan balik dan memulangkan, menggadaijanjikan,

mendemiskan, menyerahkan, memindahkan atau selainnya melupuskan atau membuat urusan mengenai apa-apa harta alih dan tak alih yang terletak hak padanya atas apa-apa terma sebagaimana yang difikirkannya patut.

(4) Semua surat ikatan, dokumen dan surat cara lain yang menghendaki meterai Perbadanan hendaklah dimeteraikan dengan meterai Perbadanan menurut suatu ketetapan Lembaga yang bermaksud sedemikian di hadapan Pengerusi atau Timbalan Pengerusi atau seseorang lain yang diberi kuasa oleh Lembaga untuk bertindak bagi maksud itu dan di hadapan Setiausaha, yang hendaklah menandatangani tiap-tiap surat ikatan, dokumen atau surat cara itu yang padanya meterai itu dicapkan, dan penandatanganan itu hendaklah, tanpa pengakusaksian lanjut, menjadi keterangan yang mencukupi bahawa meterai itu telah dicapkan dengan sempurna dan sepatutnya dan bahawa meterai itu ialah meterai Perbadanan yang sah.

Pejabat

4. Perbadanan hendaklah mempunyai suatu pejabat utama dalam Malaysia di tempat sebagaimana yang ditentukan oleh Lembaga dari semasa ke semasa, dan boleh menubuhkan pejabat lain sebagaimana yang difikirkan wajar oleh Lembaga.

Pendapatan Perbadanan

5. (1) Pendapatan Perbadanan hendaklah terakru kepada Lembaga.

(2) Subseksyen (1) tidak boleh menghalang pembayaran atau pembayaran semula saraan atau perbelanjaan kepada mana-mana pegawai atau pekhidmat Perbadanan atau kepada mana-mana Anggota sebagai balasan kepada perkhidmatan yang diberikan kepada Perbadanan.

BAHAGIAN III

TUJUAN PERBADANAN

Tujuan

6. Tujuan yang baginya Perbadanan diperbadankan adalah:

- (a) untuk menggalakkan, menyokong, membangunkan dan menyenggarakan industri getah amnya, secara khusus berkenaan dengan kepentingan nasional Malaysia dan individu dalamnya, dan dengan tujuan itu dengan matlamat untuk mewujudkan suatu pasaran di Malaysia bagi penjualan dan pembelian getah dan untuk membuat pengaturan dan kaedah-kaedah sebagaimana yang difikirkan wajar bagi perjalanan sepatutnya perdagangan dan perusahaan dalam dan bagi pemasaran dan pengedaran getah, dan bagi maksud itu untuk menjamin bahawa perdagangan, pemasaran dan pengedaran itu hendaklah setakat yang mungkin dijalankan melalui pasaran yang ditubuhkan oleh, dan di bawah pengaturan dan kaedah-kaedah dari semasa ke semasa yang dirumuskan oleh atau dengan kelulusan oleh, Perbadanan;
- (b) (*Dipotong oleh Akta A959*);
- (c) untuk menubuhkan dan menjalankan perniagaan Pusat Penjelasan atau Rumah Penyelesaian atau kedua-duanya bagi memudahkan perjalanan perniagaan persaudagaran dan khususnya bagi memudahkan penjelasan dan penyelesaian kontrak bagi pembelian dan penjualan getah, dan untuk membuat dan menetapkan saraan, terma dan syarat berkenaan dengan perniagaan itu yang boleh dari semasa ke semasa ditentukan;
- (d) untuk membuat hubungan dan untuk bekerjasama setakat dan atas syarat sebagaimana yang difikirkan wajar dengan persatuan atau syarikat yang mempunyai tujuan keseluruhannya atau sebahagiannya yang serupa dengan Perbadanan dan dengan Dewan Perniagaan dan perdagangan, persaudagaran dan badan awam lain seluruh dunia;

- (e) *(Dipotong oleh Akta A959);*
- (f) *(Dipotong oleh Akta A959);*
- (g) untuk membuat dan menguatkuasakan mengikut apa-apa cara sebagaimana yang difikirkan suai manfaat undang-undang kecil dan kaedah-kaedah tentang penjalanan perdagangan getah dan terma dan syarat yang atasnya perdagangan getah akan dijalankan dan untuk penyenggaraan piawaian pengendalian yang sepatutnya dalam menjalankan apa-apa perdagangan itu, dan bagi pengawalseliaan transaksi antara Anggota dan antara Anggota dengan orang lain;
- (h) untuk memeriksa, mensampel dan menggred getah di mana-mana bahagian dunia mengikut apa-apa cara sebagaimana yang difikirkan suai manfaat;
- (i) untuk bertindak sebagai penimbang tara dan untuk melantik penimbang tara dan pengadil dalam apa-apa pertikaian yang menyentuh getah atau apa-apa urusan dalamnya dan selainnya untuk membuat pengaturan bagi penyelesaian pertikaian melalui timbang tara;
- (j) untuk melantik ejen di mana-mana bahagian dunia bagi apa-apa maksud yang bersampingan dengan mana-mana tujuan Perbadanan;
- (k) *(Dipotong oleh Akta A959);*
- (l) *(Dipotong oleh Akta A959);*
- (m) *(Dipotong oleh Akta A959);*
- (n) *(Dipotong oleh Akta A959);*
- (o) *(Dipotong oleh Akta A959);*
- (p) *(Dipotong oleh Akta A959);*
- (q) *(Dipotong oleh Akta A959);*

- (r) *(Dipotong oleh Akta A959)*;
- (s) untuk memperuntukkan dan memungut daripada anggota atau selainnya dana bagi maksud menjalankan atau meneruskan tujuan Perbadanan atau mana-mana daripadanya;
- (t) untuk melakukan semua perkara lain yang sah sebagaimana yang bersampingan atau berfaedah untuk pencapaian tujuan di atas atau mana-mana daripadanya.

BAHAGIAN IV

KEANGGOTAAN PERBADANAN

Keanggotaan

7. (1) Keanggotaan Perbadanan hendaklah—

- (a) terhad kepada orang yang menjalankan atau berniat untuk menjalankan perniagaan dalam apa-apa kelas perdagangan atau industri getah sebagaimana yang boleh dari semasa ke semasa ditetapkan oleh kaedah-kaedah; dan
- (b) terdiri daripada Anggota Biasa, Anggota Bersekutu dan apa-apa kategori atau kategori lain yang boleh dari semasa ke semasa ditetapkan oleh kaedah-kaedah.

(2) *(Dipotong oleh Akta A959)*.

8. *(Dipotong oleh Akta A959)*.

Daftar Anggota

9. Perbadanan hendaklah menyimpan suatu daftar anggota di pejabat utamanya, dan daftar itu hendaklah menunjukkan berkenaan dengan setiap Anggota kategori dan kelas keanggotaanya dan daftar tersebut hendaklah menjadi bukti muktamad bagi fakta yang direkodkan di dalamnya.

BAHAGIAN V

PENGURUSAN PERBADANAN

10. *(Dipotong oleh Akta 84).*

11. *(Dipotong oleh Akta 84).*

Pengurusan dan pentadbiran Perbadanan

12. (1) Semua kuasa Perbadanan hendaklah terletak hak pada dan boleh dijalankan oleh Lembaga kecuali setakat yang kuasa itu dikehendaki secara nyata oleh Akta ini atau oleh kaedah-kaedah untuk dijalankan oleh Perbadanan dalam mesyuarat agung atau diberi kuasa untuk diwakilkan oleh Lembaga.

(2) Lembaga boleh mewakilkan semua atau mana-mana bahagian daripada kuasa Perbadanan yang terletak hak pada atau boleh dijalankan oleh Lembaga kepada Jawatankuasa Pengurusan.

(3) Lembaga hendaklah, dengan kelulusan Menteri, melantik Pengerusi Perbadanan.

(4) Lembaga boleh melantik seorang Timbalan Pengerusi Perbadanan.

13. *(Dipotong oleh Akta 84).*

BAHAGIAN VI

PELBAGAI

Kuasa untuk membuat Kaedah-kaedah

14. Adalah sah bagi Perbadanan untuk membuat kaedah-kaedah, yang selaras dengan Akta ini—

- (a) untuk menetapkan borang permohonan bagi keanggotaan;
- (b) untuk mengawal selia pemilihan anggota dan untuk menetapkan fi kemasukan dan yuran;
- (c) untuk membentuk dan menentukan pelbagai kategori atau kelas anggota dan untuk menentukan hak, keistimewaan dan obligasi anggota dan setiap kategori dan kelas itu masing-masing;
- (d) untuk mengadakan peruntukan bagi penggantungan, pembatalan atau penamatan keanggotaan;
- (e) untuk mengawal selia penyenggaraan piawaian pengendalian yang sepatutnya dalam menjalankan perdagangan getah dan untuk membuat urusan mengenai pelanggaran yang sama itu;
- (f) *(dimansuhkan oleh Akta A959)*;
- (g) untuk mengadakan peruntukan bagi kuasa dan kewajipan Pengerusi dan Timbalan Pengerusi;
- (h) untuk mengadakan peruntukan bagi memanggil dan menjalankan mesyuarat Perbadanan;
- (i) untuk mengadakan peruntukan bagi pelantikan seorang Setiausaha dan pegawai lain Perbadanan;
- (j) untuk mengadakan peruntukan bagi penyimpanan, pengauditan dan pembentangan akaun;
- (k) untuk memberi kuasa kepada Lembaga untuk membuat undang-undang kecil sebagaimana yang suai manfaat; dan
- (l) bagi apa-apa maksud lain sama ada yang serupa jenis yang terdahulu atau tidak, perlu atau suai manfaat dalam atau mengenai pengurusan Perbadanan atau bagi melaksanakan mana-mana tujuan Perbadanan.

15. (*Dipotong oleh Akta A959*).

Pengubahan Kaedah-kaedah

16. Kaedah-kaedah atau mana-mana satu daripadanya boleh dari semasa ke semasa dibatalkan, diubah atau ditambah oleh Perbadanan dalam Mesyuarat Agung dengan syarat bahawa—

- (a) notis dua puluh satu hari genap hendaklah diberikan kepada Anggota Biasa Perbadanan mengenai mesyuarat itu dan pembatalan, pengubahan atau penambahan yang dicadangkan; dan
- (b) tiada pembatalan, pengubahan atau penambahan bagi atau kepada mana-mana kaedah-kaedah boleh berkuat kuasa—
 - (i) melainkan jika kaedah-kaedah itu telah diluluskan oleh sekurang-kurangnya tiga perempat daripada Anggota Biasa yang hadir dan mengundi di mesyuarat Perbadanan itu; dan
 - (ii) sehingga kaedah-kaedah itu telah disiarkan dalam *Warta*.

Anggota terikat dengan Kaedah-kaedah, *dsb*.

17. (1) Setiap Anggota apabila menjadi seorang Anggota hendaklah terikat oleh Akta ini dan oleh kaedah-kaedah dan undang-undang kecil dan Akta, kaedah-kaedah dan undang-undang kecil itu hendaklah disifatkan membentuk suatu kontrak yang sah dan mengikat yang dibuat antara Anggota itu, Perbadanan dan semua anggota lain bersesama dan berasingan, yang bagi penguatkuasaannya Anggota itu, Perbadanan atau mana-mana anggota lain boleh membawa guaman atau dibawa guaman terhadapnya dan kesan sewajarnya hendaklah diberikan kepadanya di dalam semua mahkamah.

(2) Walau apa pun mana-mana undang-undang bertulis yang berlawanan Ketua Pengarah Insolvensi atau Penyelesai yang mentadbir aset seseorang Anggota apabila kebangkrutan atau penggulangan hendaklah berhak kepada semua hak dan terikat dengan semua obligasi Anggota itu di bawah Akta ini dan kaedah-kaedah dan undang-undang kecil itu.

Perlindungan kontrak

18. (1) Seksyen ini hendaklah terpakai bagi apa-apa kontrak atau perjanjian yang—

- (a) berupa sebagai suatu kontrak atau perjanjian bagi penjualan atau pembelian getah;
- (b) dalam suatu bentuk yang ditetapkan oleh kaedah-kaedah atau undang-undang kecil; dan
- (c) dibuat oleh mana-mana orang dengan atau melalui agensi seorang Anggota.

(2) Seksyen 31 Akta Kontrak 1950 [*Akta 136*], dan seksyen 26 Akta Undang-Undang Sivil 1956 [*Akta 67*], tidak terpakai bagi apa-apa kontrak atau perjanjian yang termasuk dalam subseksyen (1).

(3) Walau apa pun apa-apa jua yang berlawanan yang terkandung dalam mana-mana undang-undang bertulis lain, tiada kontrak atau perjanjian yang termasuk dalam subseksyen (1) boleh menyalahi undang-undang atau tidak sah atas alasan bahawa pihak-pihak kepada kontrak atau perjanjian itu atau mana-mana daripada mereka tidak pada masa membuat kontrak atau perjanjian itu memegang atau memiliki apa-apa lesen atau permit untuk menjual, membeli atau selainnya untuk berurusan tentang getah, yang pemegangan atau pemilikannya dikehendaki di bawah mana-mana undang-undang bertulis.

Kecualian

19. Tiada apa-apa jua yang terkandung dalam Akta ini boleh menyentuh hak Yang di-Pertuan Agong atau Raja-Raja atau Yang di-Pertua Negeri bagi mana-mana badan keperlembagaan atau pertubuhan perbadanan atau mana-mana orang lain kecuali hak orang sebagaimana yang disebut dalam Akta ini dan hak orang yang menuntut melalui, daripada atau di bawah mereka.

JADUAL PERTAMA

[Subseksyen 3(1)]

NAMA, ALAMAT ATAU PERIHALAN ANGGOTA PERTAMA
PERBADANAN

1. Abdul Jalil bin Haji Aminudin, Batu 2, Ampangan, Seremban.
2. Aik Seng & Co. Ltd., 91 Jalan Ampang, Kuala Lumpur.
3. Anglo American Corporation Ltd., Tingkat 10, Bangunan Lee Yan Lian, P.S. 2536, Kuala Lumpur.
4. Ban Lee Ltd., Bangunan Lee Yan Lian, P.S. 308, Kuala Lumpur.
5. Bee Seng & Co., 14-16 Jalan Klyne, Kuala Lumpur.
6. Bee Seng Co. Ltd., 14-16 Jalan Klyne, Kuala Lumpur.
7. Boustead & Co. (1960) Ltd., di alamat Boustead Buttery Estates Agency Ltd., P.S. 1070, 1 The Embankment, Kuala Lumpur.
8. Boustead Buttery Estates Agency Ltd., di alamat Boustead Buttery Estates Agency Ltd., P.S. 1070, 1 The Embankment, Kuala Lumpur.
9. Chan Chong Wen, 11 (D) Jalan Sekolah Arab, Johor Bahru.
10. Chan Kwong Hon, Kuala Lumpur United Limited, 4-6 Jalan Ampang, Kuala Lumpur.
11. Cheah Ewe Keat, 243 Jalan Circular, Kuala Lumpur.
12. Chop Ban Lee, 12 Jalan Loke Yew, Bentong, Pahang.
13. Chuan Keat Chan Ltd., 13 Jalan Stesen, Klang.
14. Commodity Traders Ltd., di alamat Boustead, Buttery Estates Agency Ltd., P.S. 1070, 1 The Embankment, Kuala Lumpur.
15. Compagnie des Caoutchoucs de Padang, di alamat Socfin Co. Ltd., P.S. 330, Kuala Lumpur.
16. Compagnie du Cambodge, di alamat Socfin Co. Ltd., P.S. 330, Kuala Lumpur.
17. Dato' E. E. C. Thuraisingham, 71 Jalan Ampang, Kuala Lumpur.
18. Dunlop Malayan Estates Ltd., P.S. 55, Bastion House, Melaka.
19. The East Asiatic Co. Ltd., Denmark House, P.S. 354, Kuala Lumpur.
20. Ewe Keat Ltd., 4-6 Jalan Ampang, Kuala Lumpur.

21. Gan Teck Yeow, 14-16 Jalan Klyne, Kuala Lumpur.
22. General Rubber Trading House (M) Ltd., 17-19 Jalan Cross, Tingkat 2, Kuala Lumpur.
23. Green and Collier Ltd., Bangunan Asia Insurance, Kuala Lumpur.
24. Guthrie Agency (M) Ltd., 4 Jalan Mountbatten, P.S. 198, Kuala Lumpur.
25. Guan Moh & Co., 51 High Street, Kuala Lumpur.
26. Haji Abdul Rahman bin Mahmood, 23, Jalan Maharani, Muar, Johor.
27. Harrisons & Crosfield (F. of M.) Ltd., P.S. 1007, Jalan Ampang, Kuala Lumpur.
28. Heah Joo Seang, Rubber Trade Association of Penang, 16 Jalan Anson, Pulau Pinang.
29. Hock Heng Co. Ltd., Railway Goods Yard, P.S. 355, Kuala Lumpur.
30. Hock Lye Co. Ltd., 86-A Lebuhr Pantai, Pulau Pinang.
31. Holiday, Bath & Co. Ltd., Bangunan Lee Yan Lian, Kuala Lumpur.
32. Joo Seng Rubber Co. Ltd., 14 Jalan Taiping, Kuala Kangsar.
33. Joo Seng Rubber Co. (Sel.) Ltd., 4 Lebuhr Gereja, Kuala Lumpur.
34. Khoo Swee Kiap, Lam Seng & Co., P.S. 99, Seremban.
35. Kuala Lumpur United Ltd., 4-6 Jalan Ampang, Kuala Lumpur.
36. Lee Huan Pin, Chop Kian Ann Chan, 9 Jalan Rugayah, Batu Pahat, Johor.
37. Lee Rubber Co. Ltd., Bangunan Lee Rubber, High Street, Kuala Lumpur.
38. Lee Seng Peng, 13 Jalan Cross, Kuala Lumpur.
39. Lewis & Peat (M) Ltd., Bangunan Lee Yan Lian, Tingkat 3, P.S. 933, Kuala Lumpur.
40. Lian Hin Rubber Co. Ltd., 17 dan 19 Jalan Cross, Kuala Lumpur.
41. Lian Seng Co. Ltd., 13 Jalan Cross, Kuala Lumpur.
42. Lim Chong Chee, Railway Goods Yard, P.S. 355, Kuala Lumpur.
43. Lim Yee Teck, 66 High Street, Kuala Lumpur.
44. Malayan American Plantations Ltd., P.S. 350, Hong Kong Bank Chambers, Pulau Pinang.

45. Malayan Estate Agencies Group Ltd., Bangunan Lee Lian, Tingkat 8 dan 9, Jalan Mountbatten, P.S. 1057, Kuala Lumpur.
46. M. Nadchatiram, Nadchatiram Realities (1960) Ltd., P.S. 37, Seremban, Negeri Sembilan.
47. Nam Cheong Co., 59 Jalan Klyne, Kuala Lumpur.
48. Ng Eng Hong, 2 High Street, Kuala Lumpur.
49. Ng Yan Pee, The Pontian Rubber Dealers' Association, 302/304 Jalan Alsagoff, Pontian, Johor.
50. Plantation Agencies Ltd., Chartered Bank Chambers, Lebuhr Pantai, P.S. 706, Pulau Pinang.
51. Plantations des Terres Rouges, di alamat Socfin Co. Ltd., P.S. 330, Kuala Lumpur.
52. Selangor Plantations, Co. Ltd., di alamat Socfin Co. Ltd., P.S. 330, Kuala Lumpur.
53. Sime Darby (M) Ltd., Sime Oriental Estates Division, 54 Jalan Ampang, P.S. 252, Kuala Lumpur.
54. Socfin Co. Ltd., P.S. 330, Kuala Lumpur.
55. Soon Eng Kong Estates Ltd., 67 Jalan Kimberley, Pulau Pinang.
56. Soon Joo & Co., 3 Railway Goods Yard (North), Kuala Lumpur.
57. Tang H. L., Swee Lam Estates (M) Ltd., P.S. 107, Kulai, Johor.
58. Tee Teh, 14-16 Jalan Klyne, Kuala Lumpur.
59. Yee Seng Rubber Co. Ltd., 66 High Street, Kuala Lumpur.
60. Ban Lee Chan & Co. Ltd., 37 Jalan Klyne, Kuala Lumpur.
61. Central Investment Co. Ltd., 39 Jalan Mersing, Kluang, Johor.
62. Chin Guan Leong, 5 Pekan Melayu, Alor Star, Kedah.
63. Chop Hock Hin, 40 Pekan Pendang, Pendang, Kedah.
64. Dunlop Rubber Purchasing Co. Ltd., 28 Jalan Kampung Jawa, Klang.
65. Firestone Malaya Ltd., Malayan Railways Godown 3, Jalan Brickfields, Kuala Lumpur.
66. Ghee Seng Co., 46 Jalan Campbell, Kuala Lumpur.
67. Harper Gilfillan & Co. Ltd., Jalan Mountbatten, Kuala Lumpur.
68. Hock Tong & Co., 91 Jalan Ampang, Kuala Lumpur.
69. Kuek Ho Yao, 4 Jalan Bukit Changar, Johor Bahru, Johor.

70. Maclaine Watson (Federation) Ltd., Bangunan Eastern Bank, The Embankment, Kuala Lumpur.
71. Saw Seng Kew, Saw Seng Kew & Co. Ltd., 23 Lebuhr Pantai, Pulau Pinang.
72. Sin Aik Joo, 4 Jalan Klyne, Kuala Lumpur.
73. Societe des Matieres Premieres Tropicales, 188 Jalan Sungei Besi, Kuala Lumpur.
74. South Malaya Co. Ltd., 39 Jalan Mersing, Kluang, Johor.
75. Tong Teik Co. Ltd., B-3 Tingkat 2, Bangunan Elceetee, 33-C Lebuhr Pantai, Pulau Pinang.
76. Union Rubber Brokers (Malaya) Ltd., 508 Bangunan Lee Yan Lian, Kuala Lumpur.

***JADUAL KEDUA**

(Dipotong oleh Akta A959)

*CATATAN—Walau apa pun seksyen 10 dan 13 Akta ini, kaedah-kaedah Perbadanan yang terkandung dalam Jadual Kedua Akta ibu hendaklah, setakat yang ia selaras dengan peruntukan Akta ibu sebagaimana yang dipinda oleh Akta ini, terus berkuat kuasa sehingga dibatalkan atau digantikan oleh kaedah-kaedah yang dibuat di bawah seksyen 14 Akta ibu sebagaimana yang dipinda oleh Akta ini—lihat seksyen 14 Akta A959.

UNDANG-UNDANG MALAYSIA

Akta 402

AKTA PASARAN GETAH MALAYSIA (PEMERBADANAN) 1962

SENARAI PINDAAN

Undang-undang yang meminda	Tajuk ringkas	Berkuat kuasa dari
Akta 79/1965	Akta Syarikat 1965	15-04-1966
Akta 36/1966	Akta Pasaran Getah Persekutuan Tanah Melayu (Pemerbadanan) (Pindaan) 1966	12-05-1966
P.U. 412/1967	Kaedah-Kaedah Pasaran Getah Persekutuan Tanah Melayu (Pindaan) 1967	02-07-1966
P.U. 81/1968	Kaedah-Kaedah Pasaran Getah Persekutuan Tanah Melayu (Pindaan) 1968	28-10-1967
Akta 84	Akta Lembaga Pasaran dan Pelesenan Getah Malaysia 1972	01-09-1973 kecuali s. 12 dan Jadual— 01-01-1974
Akta A142	Akta Kumpulanwang Getah Malaya (Penyelidekan dan Kemajuan) (Perluasan dan Pindaan) 1972	01-04-1974
P.U. (A) 255/1974	Kaedah-Kaedah Pasaran Getah Persekutuan Tanah Melayu (Pindaan) 1974	27-04-1974
P.U. (A) 123/1975	Kaedah-Kaedah Pasaran Getah Persekutuan Tanah Melayu (Pindaan) 1975	28-09-1974
P.U. (A) 433/1975	Kaedah-Kaedah Pasaran Getah Persekutuan Tanah Melayu (Pindaan) (No. 2) 1975	30-08-1975
P.U. (A) 407/1976	Kaedah-Kaedah Pasaran Getah Persekutuan Tanah Melayu (Pindaan) 1976	30-07-1976

Undang-undang yang meminda	Tajuk ringkas			Berkuat kuasa dari
P.U. (A) 17/1977	Kaedah-Kaedah Pasaran Getah Tanah Melayu (Pindaan) 1977	Persekutuan		21-12-1976
P.U. (A) 27/1983	Kaedah-Kaedah Pasaran Getah Tanah Melayu (Pindaan) 1983	Persekutuan		20-02-1982
P.U. (A) 32/1985	Kaedah-Kaedah Pasaran Getah Tanah Melayu (Pindaan) 1985	Persekutuan		01-09-1983
P.U. (A) 81/1986	Kaedah-Kaedah Pasaran Getah Tanah Melayu (Pindaan) 1986	Persekutuan		22-02-1986
P.U. (A) 89/1987	Kaedah-Kaedah Pasaran Getah Tanah Melayu (Pindaan) 1986	Persekutuan		18-12-1986
Akta A959	Akta Pasaran Getah Malaysia (Pemerbadanan) (Pindaan) 1996			01-01-1998

UNDANG-UNDANG MALAYSIA

Akta 402

AKTA PASARAN GETAH MALAYSIA (PEMERBADANAN) 1962

SENARAI SEKSYEN YANG DIPINDA

Seksyen	Kuasa meminda	Berkuat kuasa dari
2	Akta 79/1965 Akta 84 Akta A959	15-04-1966 01-09-1973 01-01-1998
3	Akta 79/1965 Akta A959	15-04-1966 01-01-1998
4	Akta 79/1965	15-04-1966
5	Akta A959	01-01-1998
6	Akta 79/1965 Akta A959	15-04-1966 01-01-1998
7	Akta 79/1965 Akta A959	15-04-1966 01-01-1998
8	Akta 79/1965 Akta A959	15-04-1966 01-01-1998
10	Akta 79/1965 Akta 84	15-04-1966 01-09-1973
11	Akta 84	01-09-1973
12	Akta A959	01-01-1998
13	Akta 79/1965 Akta 84	15-04-1966 01-09-1973
14	Akta A959	01-01-1998
15	Akta A959	01-01-1998

Seksyen	Kuasa meminda	Berkuat kuasa dari
17	Akta A959	01-01-1998
18	Akta A959	01-01-1998
Jadual Kedua	Akta A959	01-01-1998
